

Kodi Yesu Khristu Ndi Ndani? (Gawo 3)

Nkhaniyi yachokera m'mutu 4 m'buku lakuti, *Kodi Baibulo Limaphunzitsa Chiyani Kwenikweni?* Iomwe likupezeka pa jw.org.

ZIMENE MUYENERA KUCHITA: Ganizirani mozama zimene mumakhulupirira ndiponso zifukwa zake, fufuzani zimene Baibulo limaphunzitsa, kenako ganizirani mmene mungafotokozere ena zimene mumakhulupirazo.



KODI YESU ANALI MUNTHU WOTANI?

1 GANIZIRANI MOZAMA ZIMENE MUMAKHULUPIRIRA

Kodi mukuganiza kuti anthu ena angayankhe bwanji?

Kodi **inuyo** mumakhulupirira zotani?

Nanga n'chifukwa chiyani mumakhulupirira zimenezo?

2

FUFUZANI ZIMENE BAIBULO LIMAPHUNZITSA

Yesu anali ndi makhalidwe ofanana ndendende ndi Yehova Mulungu, yemwe ndi Atate ake.


(Werengani mutu 4 m'buku lakuti *Baibulo Limaphunzitsa Chiyani*, ndime 15 mpaka 19.)

Werengani Yohane 14:9.

Kodi Yesu ankatanthauza chiyani pamene ananena kuti: “Amene waona ine waonanso Atate”?

Werengani Mateyu 9:35, 36; 21:12, 13; Maliko 10:13-16.

Kodi Yesu anasonyeza bwanji kuti anali munthu wolimba mtima komanso wachifundo?



Zimene Yesu ankachita ndi kunena zinasonyeza mmene Atate ake amaganizira komanso mmene amamvera

Yesu anali wokhulupirika.

(Werengani mutu 4 m'buku lakuti *Baibulo Limaphunzitsa Chiyani*, ndime 20.)

Werengani Mateyu 4:1-11.

Kodi zomwe Yesu anachita posagonja pamene Satana ankamuyesa, zinasonyeza bwanji kuti anali wokhulupirika kwa Mulungu?

Yesu anali wokhulupirika.

(Werengani mutu 4 m'buku lakuti *Baibulo Limaphunzitsa Chiyani*, ndime 21-22.)

Werengani Afilipi 2:8.

N'chifukwa chiyani Yesu anafunika kukhala wodzichepetsa kuti achite zonse zimene Mulungu anamuza?

Kodi ndi makhalidwe ati a Yesu amene amakusangalatsani kwambiri?

3

FOTOKOZANI ZIMENE MUMAKHULUPIRIRA

WINA AKANENA KUTI . . .

N'zosatheka kudziwa kuti Mulungu ndi wotani chifukwa palibe amene anamuonapo.

MUNGAYANKHE KUTI . . .

N'zoona kuti palibe amene anaonapo Mulungu. Koma ndimakhulupirira kuti Yesu angatiphunzitse bwino kwambiri zokhudza Mulungu chifukwa . . .

Kodi mungawerenge lemba liti kuti mumuthandize?

Kodi mungafotokoze bwanji vesilo pomuthandiza malinga ndi zimene amakhulupirirazo?

WINA AKANENA KUTI . . .

Yesu sanali wolimba mtima chifukwa ankangonena zokhudza chifundo ndi chikondi.

MUNGAYANKHE KUTI . . .

Anthu ambiri angavomereze zimene mukunenazo. Koma ine sindikhulupirira zimenezo chifukwa. . .

Kodi mungawerenge lemba liti kuti mumuthandize?

Kodi mungafotokoze bwanji vesilo pomuthandiza malinga ndi zimene amakhulupirirazo?
